



# SLUŽBENI GLASNIK

## OPĆINE KALESIJA

Godina: XXVIII

Četvrtak, 05.01.2006. godine  
KALESIJA

Broj: 12

### OPĆINSKO VIJEĆE

**89** Na osnovu člana 12. 7. Izbornog zakona BiH («Sl.glasnik BiH», broj 23/01, 7/02, 20/02, 25/02, 4/04, 20/04 i 25/05) i člana 2. Zakona o direktnom izboru Općinskog načelnika («Sl.novine FBiH», broj 20/04), člana 76. stav 2. Zakona o državnoj službi u FBiH («Sl.novine FBiH», broj 29/03) i člana 156. Statuta općine Kalesija («Sl.glasnik općine Kalesija», broj 7/03), člana 28 Poslovnika o radu Općinskog vijeća («Sl.glasnik općine Kalesija», broj 2/04) Općinsko vijeće Kalesija na sjednici održanoj dana 29.12.2005.godine, d o n o s i

#### O D L U K U

o izmjenama i dopunama Statuta općine Kalesija

##### Član 1.

U Statutu općine Kalesija («Sl.glasnik općine Kalesija», broj 7/03) u članu 19. stav 1. dodaje se nova tačka 11a koja glasi:  
«donosi plan i program uređenja sistema zaštite i spašavanja ljudskog, biljnog i životinjskog svijeta, materijalnih, kulturnih, historijskih i drugih dobara»,

##### Član 2.

Član 33. mijenja se i glasi:

«Na prvoj sjednici Općinskog vijeća većinom glasova ukupnog broja vijećnika vrši se izbor

predsjedavajućeg i zamjenika predsjedavajućeg Općinskog vijeća».

##### Član 3.

Član 36. mijenja se i glasi:

«Općinsko vijeće ima sekretara koji ima status državnog službenika.

Sekretar Općinskog vijeća obavlja poslove u skladu sa Pravilnikom o unutrašnjoj organizaciji službi za upravu».

##### Član 4.

U članu 37. iza riječi «smijenjeni» stavlja se tačka, a riječi «a sekretar Općinskog vijeća razrješen prije isteka mandata Odlukom Općinskog vijeća» brišu se.

##### Član 5.

U članu 41. stav 1. tačka 4. briše se, kao i riječi «sekretar Općinskog vijeća» iz tačke 5 istog člana.

U članu 41. tačka 6. riječi «potvrđuje imenovanje i smjenjivanje» zamjenjuju se riječima «Imenuje i razrješava».

U članu 41. tačka 9. riječ «je» zamjenjuje se riječju «nije».

##### Član 6.

U članu 43. riječ «budžet općine, Odluka o izvršenju budžeta, Odluka o zaduživanju općine, Odluka o danu općine, Odluka o nazivu mjesta», brišu se.

#### Član 7.

U članu 45. riječi «i Općinski načelnik» kao i riječi «a sekretara Općinskog vijeća imenuje se i razrješava» brišu se.

#### Član 8.

Član 53. briše se.

#### Član 9.

U članu 54. stav 1. iza riječi «godine» stavlja se tačka, a riječi «i ne može biti biran na tu funkciju više od dva puta uzastopno» brišu se.

U članu 54. stav 3. riječ «smjenjen» zamjenjuje se u riječ «opozvan», a riječi «Odlukom općinskog vijeća» brišu se, na kraju teksta tačka se briše i dodaju riječi «u skladu sa Zakonom».

U članu 54. stav 4. mijenja se i glasi «Nakon izglasavanja opoziva novi izbori za općinskog načelnika raspisuju se u roku od 60 dana.

#### Član 10.

Član 55. mijenja se i glasi:

«Općinskog načelnika za slučaj spriječenosti da obavlja svoju dužnost privremeno mijenja predsjedavajući općinskog vijeća ili vijećnik kojeg većinom glasova izabere općinsko vijeće».

#### Član 11.

U članu 56. stav 2. tačka 3. mijenja se i glasi:

«Postavlja i razrješava državne službenike u skladu sa Zakonom».

U članu 56. stav. 2 tačka 4. mijenja se i glasi «raspolože imovinom općine u skladu sa Zakonom».

U članu 56. stav 2. tačka 5. riječi «službenika i» brišu se.

U članu 56. stav 2. tačka 10. briše se.

#### Član 12.

U članu 57. iza riječi «načelnik» dodaju se riječi «u skladu sa Zakonom».

#### Član 13.

U članu 62. stav 1. riječ «imati» zamjenjuje se u riječ «imenovati» i na kraju teksta briše se tačka i dodaju riječi «u skladu sa Zakonom».

U članu 62. dodaje se novi stav 3. koji glasi «Mandat savjetnika ne može biti duži od mandata Općinskog načelnika čiji je savjetnik».

#### Član 14.

U članu 63. stav 1. briše se, a stav 2. mijenja se i glasi:

«Općinski načelnik postavlja i razrješava državne službenike i namještenike općinskih službi za upravu nakon provedenog javnog konkursa, odnosno oglasa, u skladu sa Zakonom».

#### Član 15.

U članu 71. stav 2. riječ «smjenjuje Općinski načelnik uz potvrdu Općinskog vijeća» zamjenjuje se riječima «razrješava Općinsko vijeće».

#### Član 16.

U članu 122. stav 3. riječi «samostalno ili na prijedlog Općinskog načelnika» zamjenjuju se riječima «odnosno Općinski načelnik, u skladu sa Zakonom»

#### Član 17.

U članu 123. stav 1. riječ «nepokretna» briše se, a iza riječi «dati» dodaju se riječi «na privremeno korištenje, na korištenje, na poslogu ili»

U članu 123. stav 3. iza riječi «korištenja» dodaju se riječi «dodijeljene imovine Općine u skladu sa stavom 1. i stavom 2. ovog člana», a riječi «nepokretne imovine Općine date u zakup» brišu se.

#### Član 18.

Ova Odluka stupa na snagu danom objavljivanja u «Sl.glasniku općine Kalesija».

**92** Na osnovu člana 25. Zakona o proračunima – budžetima Federacije Bosne i Hercegovine (“Službene novine Federacije Bosne i Hercegovine” broj 20/98) i člana 41 Statuta općine Kalesija (“Službeni glasnik općine Kalesija”, broj 7/03), i člana 135 poslovnika o radu Općinskog vijeća (SL.gl.općine Kalesija br.2/04) Općinsko vijeće, na sjednici od 29.12.2005.godine,  
d o n o s i

**O D L U K U**  
o izvršenju Budžeta općine Kalesija za  
2006.godinu

**I OPĆE ODREDBE**

**Član 1.**

Ovom odlukom se uređuje način izvršavanja Budžeta općine Kalesija za 2006.godinu (u daljem tekstu Budžet), upravljanje prihodima i izdacima Budžeta, te prava i obaveze korisnika budžetskih sredstava.

**Član 2.**

Budžet se sastoji od Općeg i posebnog dijela. Opći dio Budžeta se sastoji od Bilansa prihoda i izdataka, a Posebni dio sadrži detaljan raspored izdataka po budžetskim korisnicima i vrsti izdatka.

U bilansu prihoda i izdataka iskazuju se porezni i neporezni prihodi, drugi prihodi i primitci, te sredstva utvrđena za finansiranje javnih izdataka na nivou općine Kalesija na osnovu zakonskih i drugih propisa.

**II IZVRŠAVANJE BUDŽETA**

**Član 3.**

Sredstva Budžeta osiguravaju se budžetskim korisnicima (u daljem tekstu korisnici) koji su u posebnom dijelu Budžeta određeni za nosioce sredstava na pojedinim pozicijama.

Korisnici koriste budžetska sredstva samo za namjene koje su određene Budžetom i to do visine određene u posebnom dijelu Budžeta.

Korisnici koriste sredstva Budžeta u skladu sa svojim odobrenim godišnjim finansijskim planom i utvrđenom dinamikom priliva i odliva sredstava.

**Član 4.**

Postupak nabavke roba, usluga i ustupanja radova obavljat će se u skladu sa Zakonom o Javnim nabavkama Bosne (“Sl.gl.BiH”, br.49/04).

**Član 5.**

Ukoliko dođe do neusklađenog priliva sredstava u Budžet, Općinski načelnik može izmjeniti dinamiku izvršenja obaveza u okviru odobrenih sredstava u Budžetu za 2006.god srazmjerno prilivu sredstava i utvrđenom prioritetu.

Prioritet u dinamici praznjenja Budžeta imaju doznake za tekuće izdatke zaposlenih u općinskom organu za upravu, i općinsko vijeće, te zaposlenim u Javnim ustanovama koje se finansiraju ovim Budžetom.

**Član 6.**

O korištenju sredstava Tekuće rezerve Budžeta odlučuje Općinski načelnik.

**Član 7.**

Ako se tokom godine, na osnovu zakona i drugog propisa, poveća djelokrug ili nadležnost korisnika, što zahtijeva povećana sredstva ili se osnuje novi korisnik, sredstva za njegove troškove osiguravaju se iz Tekuće rezerve budžeta, a odobrava ih Općinski načelnik.

Ako se tokom godine na osnovu zakona i drugog propisa, umanju djelokrug ili nadležnost korisnika, to zahtijeva smanjena sredstva ili se korisnik ukine, neutrošena sredstva za njegove troškove prenose se u Tekuću rezervu Budžeta ili na korisnika koji preuzme njegove poslove.

**Član 8.**

Sav prikupljeni i naplaćeni Javni novac, koji pripada Budžetu, obavezno se uplaćuje na glavni račun prihoda Budžeta.

#### Član 9.

Pogrešno ili više uplaćeni prihodi u Budžet vraćaju se uplatiocima na teret tih prihoda a na osnovu rješenja Službe za iz čije nadležnosti je izvršena pogrešna uplata.

#### Član 10.

Sredstva utvrđena za isplate naknade vijećnicima, predsjednicima i članovima komisija i odbora Općinskog vijeća isplaćivat će se na osnovu Odluke o naknadama vijećnicima, koji prisustvuju sjednicama Općinskog vijeća Kalesija, predsjednicima i članovima komisija i odbora za prisustvo sjednicama radnih tijela Općinsko vijeća, kao i za prisustvo vjenčanjima ("Službeni glasnik općine Kalesija", br 1/98,5/00 i 6/02).

#### Član 11.

Sredstva utvrđena za finansiranje političkih stranaka iskazana su u Posebnom dijelu budžeta u okviru Stručne službe Općinskog načelnika i Općinskog vijeća u skladu sa Odlukom o izdavanju sredstava iz Budžeta općine Kalesija za rad Političkih stranaka koje participiraju u Općinskom vijeću općine Kalesija.

#### Član 12.

Sredstva utvrđena u razdjelu "2 Stručna služba Općinskog načelnika i Općinskog vijeća "Tekući grantovi" na pojedine korisnike rasporedit će Općinski načelnik i to:

- Grantove Mjesnim zajednicama na osnovu plana raspodjele nadležne službe,
- Sportskim udruženjima na osnovu plana Sportskog saveza preko Sportskog saveza,
- Grantove pojedincima putem nadležnih službi za upravu, a na osnovu kriterija općinskog načelnika ukoliko ne postoji drugi propis donesen od strane Općinskog vijeća,

#### Član 13

Sredstva utvrđena za realizaciju» Grantova neprofitnim organizacijama» općine Kalesija, koriste se prema pravilniku o utvrđivanju kriterija, mjerila i postupaka dodjele sredstava za sufinansiranje projekata

neprofitnih organizacija koji će usvojiti Općinsko vijeće.

#### Član 14.

Sredstva utvrđena za realizaciju» Podrške razvoju poljoprivrede» općine Kalesija koriste se prema Pravilniku o utvrđivanju kriterija, mjerila i postupaka dodjele sredstava za podršku u razvoju poljoprivrede na području općine Kalesija koji će usvojiti Općinsko vijeće.

#### Član 15.

Sredstva za asfaltiranje lokalnih puteva utvrđena u Posebnom dijelu Budžeta u okviru Stručne službe Općinskog načelnika i Općinskog vijeća koristiće na osnovu plana koji će usvojiti Općinsko vijeće, a u skladu sa predhodno usvojenim kriterijima.

#### Član 16.

Sredstva namijenjena za plaće i naknade troškova zaposlenih doznacavat će se korisnicima Budžeta na osnovu odluke o utvrđivanju platnih razreda i koeficijenta za plate državnih službenika u organima uprave općine Kalesija i Pravilnika o plaćama i drugim ličnim primanjima službenika i namještenika u službama za upravu općine Kalesija i zaposlenih u Općinskom pravobranilaštvu Kalesija.

#### Član 17.

Visina dnevnica za službena putovanja za sve korisnike koji se finansiraju iz sredstava budžeta određuju se odlukom Općinskog načelnika, a uskladu sa Uredbom o naknadama za putne troškove ("Službene novine Federacije BiH"; br: 75/04).

#### Član 18.

Općinski načelnik obavezan je Općinskom vijeću :

- podnijeti izvještaj za predhodnu godinu najkasnije do 31.03. fiskalne godine i za prvih šest mjeseci fiskalne godine najkasnije do kraja avgusta fiskalne godine,
- informisati Vijeće o izvršenju Budžeta za 3 i 9 mjeseci i to najkasnije 30 dana po isteku obračunskog perioda.

### Član 19.

Nadzor na finansijskim, materijalnim i računovodstvenim poslovanjem korisnika Budžeta, te nad zakonitošću i svrsishodnim korištenjem budžetskih sredstava, vrši Općinski načelnik.

## III ZAVRŠNE ODREDBE

### Član 20.

Na sva pitanja koja nisu regulisana ovom Odlukom, a tiču se načina izrade, donošenja, izvršenja Budžeta, zaduživanja i nadzora Budžeta primjenjivat će se odredbe Zakona o Proračunima-Budžetima u Federaciji BiH («SL.Novine F BiH», br.20/98).

### Član 21.

Odluka stupa na snagu danom objavljivanja u “Službenom glasniku općine Kalesija”, a primjenjivat će se za fiskalnu 2006 godinu.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05-2-2  
Datum, 04.01.2006.godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl.ing.tehn.s.r

---

**93** Na osnovu člana 10. stav 3. Zakona o porezu na promet nepokretnosti i prava (“Sl. novine TK”, broj 11, 13/01) i člana 41. Statuta općine Kalesija (“Sl. glasnik općine Kalesija”, broj 7/03), Općinsko vijeće na sjednici od 29.12.2005. godine, d o n o s i

### ODLUKU

o imenovanju Komisije za utvrđivanju vrijednosti nepokretnosti i prava u prometu

#### Član 1.

Ovom Odlukom imenuje se Komisija za utvrđivanje vrijednosti nepokretnosti i prava u prometu (u daljem tekstu: Komisija).

#### Član 2.

U Komisiju se imenuju:

1. **Asim Musić, za predsjednika.**
2. **Fadil Hujdurović, za člana,**
3. **Avdo Vildić, za člana,**
4. **Hasan Alić, za člana,**
5. **Ševal Pezić, za člana.**
6. **Mehmed Suljkanović za člana,**

### Član 3.

Zadatak Komisije je utvrđivanje vrijednosti nepokretnosti i prava u prometu.

### Član 4.

Komisija se imenuje na period od dvije godine.

### Član 5.

Ova Odluka stupa na snagu danom objavljivanja u “Službenom glasniku općine Kalesija”.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05-2-7  
Datum, 04.01.2006. godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl.ing.tehn.s.r

---

**94** Na osnovu člana 43. stav 2. Zakona o prijevozu o unutarnjem cestovnom prometu (“Službene novine F BiH”), broj .23/98 i člana 41. Statuta općine Kalesija (“Službeni glasnik općine Kalesija” br.7/03), Općinsko vijeće Kalesija na sjednici od 29.12.2005. godine, d o n o s i

### ODLUKU

o regulisanju autobuskih stajališta u gradu Kalesija kao i saobraćaja u užem centru grada Kalesije

#### Član 1.

Ovom Odlukom utvrđuje se način odvijanja saobraćaja u užem području grada Kalesije.

## Član 2.

Autobusi iz smjera Zvornika tj. od istoka od benziske pumpe "INA", ulaze u centar grada ulicom Patriotske lige i ide do autobusnog stajališta koje se nalazi ispred robne kuće, zadržavajući se do izlaska ili prijema putnika i nastavlja put tom ulicom do magistralnog puta M-4 odakle ide na autobusku stanicu "Kalesija" u naselju Olanovca ili nastavlja put u pravcu Tuzle, a autobusi koji dolaze iz pravca Tuzle tj. sa zapadnog dijela općine, ulaze u centar grada na mjestu ukrštanja ulice Patriotske lige i magistralnog puta M-4 ide tom ulicom prema istoku do autobusnog stajališta ispred objekta MSŠ Kalesija, zadržavajući se do izlaska ili prijema putnika, odatle produžava na autobusku stanicu "Kalesija" u naselju Olanovca i dalje .

## Član 3.

Način kretanja autobusa kroz grad Kalesija odnosi se na gradski, prigradski i međugradski saobraćaj autobusa.

## Član 4.

Režim saobraćaja u ulici Patriotske lige regulisat će se vertikalnom i horizontalnom signalizacijom.

## Član 5.

Za provođenje ove Odluke zadužuje se Služba za poduzetništvo i budžet, kao i MUP TK, Kalesija.

## Član 6.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj.01-05-2-7  
Datum 04.01.2006.godine

PREDJEDAVAJUĆI  
OPĆINSKOG VIJEĆA  
Hata Mujčinović,dipl.ing.tehn.s.r

**95** Na osnovu člana 114. stav 1. i 2. Zakona o organizaciji organa uprave u FBiH ("Sl. novine FBiH" br.25/05) i člana 122 st. 3. Statuta općine Kalesija ("Sl. glasnik općine Kalesija" br. 7/03), Općinsko vijeće Kalesija, na sjednici od 29.12.2005. godine, d o n o s i

## O D L U K U

o visini vrijednosti pokretnih stvari u vlasništvu  
Općine kojim može samostalno raspolagati  
Općinski načelnik

## Član 1.

Ovlašćuje se Općinski načelnik Kalesija da samostalno, do iznosa od 30.000,00 KM, odlučuje o nabavljanju, prodaji, prenošenju prava korištenja, rashodovanju, davanju ili uzimanju na poslugu ili zakup pokretnih stvari i opreme potrebne za rad organa uprave.

## Član 2.

Vrijednost svake pokretne stvari i opreme iz prethodnog člana, sa kojima se samostalno raspolaze, prethodno će utvrditi stručna komisija koju formira Općinski načelnik.

## Član 3.

Ova Odluka stupa na snagu danom objave u "Službenom glasniku općine Kalesija".

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKO VIJEĆE

PREDJEDAVAJUĆI  
OPĆINSKOG VIJEĆA

Broj: 01-05-2-5  
Datum: 04.01.2006. godine

Hata Mujčinović,dipl.ing.tehn.s.r

**96** Na osnovu člana 45. i 46, 62 i 63. Zakona o građevinskom zemljištu ( Službene novine F BiH broj 25/03 ) i člana 41. Statuta općine Kalesija ( Službeni glasnik općine Kalesija broj 7/03), Općinsko vijeće Kalesija, na sjednici održanoj dana 29.12.2005. godine, d o n o s i

**O D L U K U**  
o izmjenama i dopunama Odluke o  
građevinskom zemljištu

**Član 1.**

U odluci o građevinskom zemljištu («Službeni glasnik općine Kalesija», broj 1/04 i 2/05 ) u članu 29. u tački 2. u naslovu brišu se riječi "u vlasništvo i", a posle tačke 2. ovog člana dodaje se nova tačka 2a koja glasi:

" 2a. Kriterij za određivanje prava prvenstva fizičkih i pravnih lica kod dodjele neizgrađenog gradskog građevinskog zemljišta radi građenja privredno-poslovnih objekata:

**a) Kriterij ponuđena cijena**

Najviša ponuđena  
cijena..... 45 bodova

Svaka sledeća nižerangirana ponuđena cijena  
dobiva 15 bodova manje, do nule

**b) Kriterij vrsta djelatnosti**

Proizvodne djelatnosti  
.....30 bodova

Uslužne djelatnosti.....15 bodova

**c) Kriterij investiciona ulaganja**

Najviša ponuđena visina  
ulaganja..... 30 bodova

Svaka sledeća nižerangirana visina ulaganja  
dobiva 10 bodova manje, do nule

**d) Kriterij broj planiranih zaposlenih na osnovu ponuđenog projekta**

Po jednom realno planiranom uposleniku za vrstu djelatnosti za koju se konkuriše boduje po svakom uposleniku po .....2 boda

**Član 2.**

U članu 57. u stavu 1. u drugom redu brišu se riječi " - **dodijeljeno gradsko građevinsko zemljište,** " i u devetom redu brišu se riječi " **do formiranja Namjenskog Fonda**"

**Član 3.**

Ova odluka stupa na snagu danom objavljivanja u «Službenom glasniku Općine Kalesija»

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05-2-6  
Datum:04.01.2006.godine

PREDSJEDAVAJUĆI  
OPĆINSKOG VIJEĆA

Hata Mujčinović,dipl.ing.tehn.s.r

---

**97** Na osnovu člana 41 Statuta Općine Kalesija ("Sl. glasnik općine Kalesija", broj: 7/03), člana 97. Poslovnika o radu Općinskog vijeća ("Sl. glasnik Općine Kalesija", broj 2/04) na prijedlog Kolegija Općinskog vijeća Kalesija, Općinsko vijeće Kalesija na sjednici održanoj 29.12.2005. godine, d o n o s i

**PROGRAM RADA**  
**Općinskog vijeća Kalesija za 2006. godinu**

**I U V O D**

Općinsko vijeće će u toku planske 2006. godine održavati redovne, tematske i vanredne sjednice radi razmatranja pitanja iz nadležnosti Općinskog vijeća određene Ustavom FBiH, Ustavom Tuzlanskog kantona, Zakonom o lokalnoj samoupravi i drugim zakonima i pozitivnim propisima Federacije Bosne i Hercegovine, Tuzlanskog kantona i Statutom općine Kalesija.

Osim navedenih u 2006. godini, bit će održavane i svečane sjednice Općinskog vijeća Kalesija, a u povodu obilježavanja značajnih datuma u historiji Kalesije kao i u povodu obilježavanja utvrđenih praznika.

U okviru normativne djelatnosti Općinsko vijeće će u 2006. godini donositi odluke, druge propise i opće i pojedinačne akte te razmatrati analize, izvještaje, informacije i druge materijale, a kojih je donošenje i razmatranje u nadležnosti Općinskog vijeća.

U cilju efikasnijeg rada Općinskog vijeća, predsjedavajući Općinskog vijeća Kalesija će prije održavanja sjednice Općinskog vijeća zakazivati sjednice Kolegija Općinskog vijeća, u čijem radu će sudjelovati predstavnici Klubova vijećnika (stranaka) koji participiraju u Općinskom vijeću, Općinski načelnik, a zavisno od potrebe i druga lica.

## II TEMATSKI DIO

### Januar – Februar

1. Odluka o utvrđivanju prosječne konačne građevinske cijene m<sup>2</sup> korisne stambene površine iz prethodne godine.  
Obrađivač: Služba za urbanizam, geodetske, imovinsko-pravne poslove i infrastrukturu.  
Predlagač: Općinski načelnik.
2. Odluka o određivanju naknade za preuzeto građevinsko zemljište u 2006 godini.  
Obrađivač: Služba za urbanizam, geodetske, imovinsko-pravne poslove i infrastrukturu.  
Predlagač: Općinski načelnik.
3. Odluka o vrsti i minimalnim količinama sredstava potrebnih za sprovođenje lične i kolektivne zaštite građana i zaposlenika u poslovnim objektima i stambenim zgradama od prirodnih i drugih nesreća.  
Obrađivač: Služba civilne zaštite  
Predlagač: Općinski načelnik
4. Program uređenja građevinskog zemljišta po zonama na području općine Kalesija za period I – XII 2006. godine.

Obrađivač: Služba za urbanizam, geodetske, imovinsko-pravne poslove i infrastrukturu.

Predlagač: Općinski načelnik

5. Program rada za 2006. godinu:  
JU "Centar za socijalni rad" Kalesija,  
JU "Gradska biblioteka" Kalesija  
JZU "Dom zdravlja" Kalesija,  
JU "Bosanski kulturni centar Kalesija"  
Kalesija,  
JU «Zavod za planiranje, urbanizam i izgradnju» Kalesija  
JP «Vodovod i kanalizacija Kalesija» Kalesija  
JP «Veterinarska stanica» Kale  
Obrađivač: Služba za opću upravu, boračko invalidsku zaštitu i raseljena lica  
Predlagač: Općinski načelnik
6. Izvještaj o radu Sportskog saveza općine Kalesija za 2005. godinu.  
Obrađivač: Općinski sportski savez  
Predlagač: Općinski načelnik
7. Izvještaj o radu Općinskog načelnika za 2005. godinu.  
Obrađivač: Općinski načelnik  
Predlagač: Općinski načelnik.
8. Plan proljetne sjetve za 2006. godinu.  
Obrađivač: Služba za poduzetništvo i budžet  
Predlagač: Općinski načelnik
9. Izvještaj o radu Općinskog pravobranilaštva za 2005. godinu.  
Obrađivač: Općinsko ravobranilaštvo  
Predlagač: Općinsko ravobranilaštvo.
10. Odluka o visini naknade u 2006 godini za nepriznato uzurpirano zemljište  
Obrađivač: Služba za urbanizam, geodetske, imovinsko-pravne poslove i infrastrukturu  
Predlagač: Općinski načelnik



11. Odluka o načinu i uslovima naknade za eksproprijano zemljište u 2006 godini  
Obrađivač: Služba za urbanizam, geodetske, imovinsko-pravne poslove i infrastrukturu  
Predlagač: Općinski načelnik
12. Odluka o razrezu komunalnih taksi koje se plaćaju na području općine Kalesija.  
Obrađivač: Služba za poduzetništvo i budžet.  
Predlagač: Općinski načelnik
13. Analiza rada Općinskog vijeća i radnih tijela Općinskog vijeća Kalesija  
Obrađivač: Stručna služba Općinskog vijeća i radna tijela Općinskog vijeća  
Predlagač: Prošireni kolegij Općinskog vijeća

#### Mart – April

1. Izvještaj o budžetu općine Kalesija za 2005. godinu.  
Obrađivač: Služba za poduzetništvo i budžet.  
Predlagač: Općinski načelnik
2. Plan izgradnje i rekonstrukcije lokalnih i nekategorisanih puteva na području općine Kalesija za 2006 godinu  
Obrađivač: Služba za urbanizam, geodetske, imovinsko-pravne poslove i infrastrukturu  
Predlagač: Općinski načelnik
3. Odluka o organizovanju i funkcionisanju zaštite i spašavanja na području općine Kalesija.  
Obrađivač: Služba civilne zaštite  
Predlagač: Općinski načelnik
4. Odluka o granicama naseljenih mjesta na području općine Kalesija.  
Obrađivač: Služba za urbanizam, geodetske, imovinsko-pravne

poslove i infrastrukturu i Služba za opću upravu, boračko invalidsku zaštitu i raseljena lica  
Predlagač: Općinski načelnik

5. Izvještaj o radu za period I – XII 2005. godine:
- JU “Centar za socijalni rad” Kalesija,
  - JU “Gradska biblioteka” Kalesija
  - JZU “Dom zdravlja” Kalesija,
  - JU “Bosanski kulturni centar Kalesija” Kalesija,
  - JU «Zavod za planiranje, urbanizam i izgradnju» Kalesija
  - JP «Vodovod i kanalizacija Kalesija» Kalesija
  - JP «Veterinarska stanica» Kalesija
  - KP «Komunalac» DD Kalesija
- Obrađivač: Služba za opću upravu, boračko invalidsku zaštitu i raseljena lica  
Predlagač: Općinski načelnik.
6. Informacija o stanju u osnovnom i srednjem obrazovanju sa pregledom uspjeha učenika na I polugodištu školske 2005/2006. godine  
Obrađivač: Služba za opću upravu, boračko invalidsku zaštitu i raseljena lica  
Predlagač: Općinski načelnik.
7. Informacija o boravku raseljenih lica na području Općine i ostvarenom povratku na područje Općine u 2005. godini.  
Obrađivač: Služba za opću upravu, boračko invalidsku zaštitu i raseljena lica  
Predlagač: Općinski načelnik.
8. Informacija o organizaciji i vršenju prevoza na području općine Kalesija.  
Obrađivač: Služba za poduzetništvo i budžet.  
Predlagač: Općinski načelnik

9. Informacija o stanju protiv-požarne zaštite na području općine Kalesija za 2005. godinu.  
 Obradivač: Teritorijalna vatrogasna jedinica Kalesija.  
 Predlagač: Općinski načelnik.
10. Informacija o vodosnabdijevanju na području općine Kalesija  
 Obradivač: Služba za urbanizam, geodetske, imovinsko-pravne poslove i infrastrukturu  
 Predlagač: Općinski načelnik.
11. Informacija o stanju bezbjednosti Kriminaliteta, saobraćaja i JRM-a  
 Obradivač: Policijska uprava Kalesija  
 Predlagač: Policijska uprava Kalesija
12. Informacija o nabavljanju nošenju držanju oružja i municije  
 Obradivač: Policijska uprava Kalesija  
 Predlagač: Policijska uprava Kalesija
13. Plan izgradnje pješačkih staza i autobuskih stajališta području općine Kalesija  
 Obradivač: Služba za urbanizam, geodetske, imovinsko- pravne poslove i infrastrukturu  
 Predlagač: Općinski načelnik
2. Odluka o izmjenama i dopunama Odluke o provođenju regulacionog plana dijela naselja Kalesija «Sjeverna zona» i Odluke o usvajanju i provođenju izmjena i dopuna dijela regulacionog plana «Sjeverna zona» Centar Kalesija  
 Obradivač: Služba za urbanizam, geodetske, imovinsko-pravne poslove i infrastrukturu  
 Predlagač: Općinski načelnik
3. Odluka o izmjenama i dopunama Odluke o provođenju regulacionog plana Memići-Kalesija i Odluke o usvajanju i provođenju izmjena i dopuna dijela regulacionog plana Memići- Kalesija  
 Obradivač: Služba za urbanizam, geodetske, imovinsko- pravne poslove i infrastrukturu  
 Predlagač: Općinski načelnik
4. Odluka o izmjenama i dopunama Odluke o provođenju regulacionog plana Tojšići-Kalesija i Odluke o usvajanju i provođenju izmjena i dopuna dijela regulacionog Tojšići-Kalesija  
 Obradivač: Služba za urbanizam, geodetske, imovinsko- pravne poslove i infrastrukturu  
 Predlagač: Općinski načelnik
5. Informacija o radu mjesnih zajednica, sa osvrtom na funkcionisanje i rad organa mjesnih zajednica i finansijsko poslovanje istih.  
 Obradivač: Služba za opću upravu, boračko invalidsku zaštitu i raseljena lica  
 Predlagač: Općinski načelnik

### Maj – Juni

1. Odluka o izmjenama i dopunama Odluke o provođenju regulacionog plana dijela naselja Kalesija-«Južna zona» i Odluke o usvajanju i provođenju izmjena i dopuna dijela regulacionog plana «Južna zona» Centar Kalesija.  
 Obradivač: Služba za urbanizam, geodetske, imovinsko-pravne poslove i infrastrukturu  
 Predlagač: Općinski načelnik
6. Informacija o inspekcijskom nadzoru i aktuelni problemi u radu inspekcije.  
 Obradivač: Služba za poduzetništvo i budžet  
 Predlagač: Općinski načelnik

7. Informacija o izvršenju budžeta općine Kalesija za period Januar – mart 2006 godine.

Obrađivač: Služba za poduzetništvo i budžet.  
Predlagač: Općinski načelnik

8. Informacija o razvoju poduzetništva u 2005. godini

Obrađivač: Služba za poduzetništvo i budžet.  
Predlagač: Općinski načelnik

9. Informacija o stanju putne infrastrukture na području općine Kalesija

Obrađivač: Služba za urbanizam, geodetske, imovinsko-pravne poslove i infrastrukturu  
Predlagač: Općinski načelnik

10. Informacija o stanju kanalizacione infrastrukture na području općine Kalesija

Obrađivač: Služba za urbanizam, geodetske, imovinsko-pravne poslove i infrastrukturu  
Predlagač: Općinski načelnik

11. Informacija o privatizaciji preduzeća na području općine Kalesija

Obrađivač: Služba za poduzetništvo i budžet i «KAP»  
Predlagač: Općinski načelnik

### Juli – Avgust

1. Izvještaj o realizaciji žetve strnih žita za 2006. godinu.

Obrađivač: Služba za Poduzetništvo i budžet.  
Predlagač: Općinski načelnik

2. Informacija o stanju poljoprivredne proizvodnje na području općine Kalesija.

Obrađivač: Služba za poduzetništvo i budžet.  
Predlagač: Općinski načelnik

3 Informacija o stipendiranju učenika i studenata na području općine Kalesija školske 2005/2006.godine.

Obrađivač: Služba za opću upravu, boračko- invalidsku zaštitu i raseljena lica  
Predlagač: Općinski načelnik

4. Informacija o stanju infrastrukture školskih objekata na području općine Kalesija

Obrađivač: Služba za opću upravu, boračko- invalidsku zaštitu i raseljena lica  
Predlagač: Općinski načelnik

5. Informacija o posljedicama primjena PDV-a

Obrađivač: Služba za poduzetništvo i budžet  
Predlagač: Općinski načelnik

6. Informacija o stanju zaposlenosti na području općine Kalesija

Obrađivač: Služba za poduzetništvo i budžet  
Predlagač: Općinski načelnik

7. Plan upravljanja čvrstim otpadom na području općine Kalesija

Obrađivač: Služba za poduzetništvo i budžet  
Predlagač: Općinski načelnik

8. Plan aktivnosti rješavanja kanalizacione infrastrukture na području općine Kalesija

Obrađivač: Služba za urbanizam, geodetske, imovinsko- pravne poslove i infrastrukturu  
Predlagač: Općinski načelnik

### Septembar – Oktobar

1. Izvještaj o provođenju Odluke o izvršenju budžeta za period Januar – Juni 2006. godine.

Obrađivač: Služba za poduzetništvo i budžet.  
Predlagač: Općinski načelnik

2. Plan jesenje sjetve za 2006. godinu.  
Obrađivač: Služba za  
poduzetništvo i budžet.  
Predlagač: Općinski načelnik

3. Informacija o provođenju regulacionih  
planova.  
Obrađivač: Služba za urbanizam,  
geodetske, imovinsko-pravne  
poslove i infrastrukturu  
Predlagač: Općinski načelnik

4. Informacija o završenoj školskoj 2005/2006.  
godini i upisu učenika u prvi razred osnovnih  
i srednjih škola na području općine Kalesija.  
Obrađivač: Služba za opću  
upravu, boračko invalidsku  
zaštitu i raseljena lica  
Predlagač: Općinski načelnik

5. Informacija o stanju kulture, fizičke kulture i  
informisanja na području općine Kalesija u  
2006. godini  
Obrađivač: Služba za opću  
upravu, boračko invalidsku  
zaštitu i raseljena lica  
Predlagač: Općinski načelnik

6. Informacija o uspostavi katastra podzemnih  
instalacija na području općine Kalesija  
Obrađivač: Služba za urbanizam,  
geodetske, imovinsko-pravne  
poslove i infrastrukturu  
Predlagač: Općinski načelnik

7. Program zimskog održavanja lokalnih i  
nekategorisanih puteva na području općine  
Kalesija za 2006/2007 godinu  
Obrađivač: Služba za urbanizam,  
geodetske, imovinsko-pravne  
poslove i infrastrukturu  
Predlagač: Općinski načelnik

8. Informacija o provođenju mjera zaštite i  
spašavanja sa osvrtom na zaštitu čovjekove  
okoline, suzbijanju zaraznih bolesti kod ljudi i  
životinja, ispravnosti kvaliteta vode za piće i  
zaštita o neeksplozivnim ubojnim sredstvima

(NUS-a) i trajnog obilježavanja minskih  
polja.

Obrađivač: Služba civilne zaštite  
Predlagač: Općinski načelnik

9. Razmatranje i usvajanje Nacrta budžeta  
općine Kalesija za 2007. godinu.  
Obrađivač: Služba za  
poduzetništvo i budžet.  
Predlagač: Općinski načelnik

10. Informacija o izvršenju budžeta općine  
Kalesija za period januar – septembar  
2006. godine.  
Obrađivač: Služba za  
poduzetništvo i budžet.  
Predlagač: Općinski načelnik

11. Plan uspostave katastra podzemnih  
instalacija  
Obrađivač: Služba za urbanizam,  
geodetske, imovinsko-pravne  
poslove i infrastrukturu  
Predlagač: Općinski načelnik

#### Novembar – Decembar

1. Odluka o budžetu Općine za 2007. godinu.  
Obrađivač: Služba za oduzetništvo  
i budžet.  
Predlagač: Općinski načelnik

2. Program rada Općinskog načelnika za 2007.  
Godinu  
Obrađivač: Općinski načelnik  
Predlagač: Općinski načelnik.

3. Program rada Općinskog pravobranilaštva za  
2007. godinu.

Obrađivač: Općinski pravobranilac  
Predlagač: Općinski pravobranilac

4. Program za obavljanje komunalnih  
djelatnosti zajedničke komunalne potrošnje  
na području općine Kalesija za 2007. godinu.  
Obrađivač: Služba za urbanizam,  
geodetske, imovinsko-pravne  
poslove i infrastrukturu i  
KP "Komunalac" Kalesija.  
Predlagač: Općinski načelnik.

5. Informacija zdravstvenog stanja tanovništva, zdravstvene zaštite i aktuelnih problema zdravstva na području općine Kalesija u 2006.godini.

Obrađivač: Služba za opću upravu, boračko invalidsku zaštitu i raseljena lica  
Predlagač: Općinski načelnik

6. Informacija o realizaciji projekata međunarodne pomoći i pomoći vladinih organizacija u toku 2006.godine. u procesu povratka izbjeglih i raseljenih lica.

Obrađivač: Služba za opću upravu, boračko invalidsku zaštitu i raseljena lica  
Predlagač: Općinski načelnik

7. Informacija o stanju u oblasti socijalne i dječije zaštite na području općine Kalesija.

Obrađivač: Služba za opću upravu, boračko invalidsku zaštitu i raseljena lica  
Predlagač: Općinski načelnik

8. Informacija o provođenju Plana izgradnje i rekonstrukcije lokalnih i nekategorisanih puteva na području općine Kalesija za 2006 godinu

Obrađivač: Služba za urbanizam, geodetske, imovinsko-pravne poslove i infrastrukturu i Služba za poduzetništvo i budžet  
Predlagač: Općinski načelnik

9. Informacija o provedenim općim izborima

Obrađivač: Općinska izborna komisija  
Predlagač: Općinska izborna komisija

10. Informacija o planu izgradnje pješačkih staza i autobuskih stajališta

Obrađivač: Služba za urbanizam, geodetske, imovinsko-pravne poslove i infrastrukturu i Služba za poduzetništvo i budžet  
Predlagač: Općinski načelnik

11. Informacija o provođenju plana aktivnosti rješavanja kanalizacione infrastrukture.

Obrađivač: Služba za urbanizam, geodetske, imovinsko-pravne poslove i infrastrukturu i Služba za poduzetništvo i budžet  
Predlagač: Općinski načelnik

### **III OSTALE AKTIVNOSTI OPĆINSKOG VIJEĆA**

U programiranom periodu Općinsko vijeće će kontinuirano, na osnovu ukazane potrebe i prijedloga Kolegija Općinskog vijeća i ovlaštenih predlagača stavljati na dnevni red sjednica i razmatrati pitanja koja se tiču:

- donošenja potrebnih odluka i drugih akata obaveznih po zakonu i potrebama općine Kalesija,

- razmatranje pojedinih pitanja iz djelokruga rada Kantona, Federacije BiH i BiH,

Općinsko vijeće će redovno razmatrati bezbjedonosnu i političku situaciju i na osnovu iste preduzimati odgovarajuće mjere.

Općinsko vijeće u okviru svojih prava i dužnosti će razmatrati i sva druga pitanja za koja se ukaže potreba u cilju preduzimanja mjera iz određene oblasti, posebno pitanja koja se tiču obezbjeđenja uslova za normalizaciju života i rada u Općini.

### **IV IZVRŠENJE PROGRAMA**

Općinski Načelnik i drugi obrađivači materijala dužni su materijale pripremiti i blagovremeno i u dovoljnom broju primjeraka za članove Općinskog vijeća u skladu sa Poslovnikom Općinskog vijeća i iste dostaviti Općinskom vijeću najkasnije do 15-og u mjesecu za koji je planirano razmatranje određenog materijala.

Materijali moraju biti sadržajni i prilagođeni mehanizmu razmatranja u Općinskom vijeću.

O sprovođenju ovog Programa starat će se Predsjedavajući i zamjenik predsjedavajućeg Vijeća, Sekretar Vijeća i Općinski Načelnik kao obrađivač i predlagač materijala.

Predsjedavajući Općinskog vijeća kao i drugi predviđeni predlagači se obavezuju da u provođenju programa rada Općinskog vijeća obezbijede prisustvo nadležnih ministara TK Federacije BiH i državi BiH koje je u nadležnosti pomenutih vlada.

Ovaj Program otvoren je za sva nova aktuelna pitanja i opravdane zahtjeve koje nameće aktuelno stanje i potrebe i čine njegov sastavni dio.

Bosna i Hercegovina  
Federacija Bosna i Hercegovina  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-8  
Datum, **04.01.2005.** godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl. ing. tehn.s.r.

**98** Na osnovu člana 41. Statuta općine Kalesija ("Sl. Glasnik općine Kalesija", broj 7/03), i člana 120. Poslovnika o radu Općinskog vijeća Kalesija („Sl. Glasnik općine Kalesija“, broj 2/04), razmatrajući Program rada Općinskog načelnika Kalesija za 2006. godinu, Općinsko vijeće Kalesija na sjednici od 29.12.2005. godine, donosi

## ZAKLJUČAK

### I

Usvaja se Program rada Općinskog načelnika Kalesija za 2006. godinu

### II

Ovaj Program stupa na snagu danom objavljivanja u „Sl. glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05-37/2  
Datum 05.01.2005.godina

PREDSJEDAVAJUĆI  
OPĆINSKOG VIJEĆA

Hata Mujčinović,dipl.ing.tehn.s.r

**99** Na osnovu člana 41. Statuta općine Kalesije ("Sl. Glasnik općine Kalesija", broj 7/03), i člana 120. Poslovnika o radu Općinskog vijeća Kalesija („Sl. Glasnik općine Kalesija“, broj 2/04), razmatrajući Program rada Općinskog pravobranilaštva Kalesija za 2006. godinu, Općinsko vijeće Kalesija na sjednici od 29.12.2005. godine, donosi

## ZAKLJUČAK

### I

Usvaja se Program rada Općinskog pravobranilaštva Kalesija za 2006.godinu

### II

Ovaj Program stupa na snagu danom objavljivanja u „Sl. glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05-37/3  
Datum 05.01.2005.godina

PREDSJEDAVAJUĆI  
OPĆINSKOG VIJEĆA

Hata Mujčinović,dipl.ing.tehn.s.r

**100** Na osnovu člana 41. Statuta općine Kalesija ("Sl.glasnik općine Kalesija", broj,7/03), i člana 120. Poslovnika o radu Općinskog vijeća Kalesija ("Sl.glasnik općine Kalesija", broj 2/04), razmatrajući inicijativu Kluba vijećnika SDP-a za proširenje broja članova Općinske Izborne Komisije Kalesija, Općinsko vijeće Kalesija na sjednici od 29.12.2005.godine, d o n o s i

## ZAKLJUČAK

### I

Usvaja se inicijativa Kluba vijećnika Socijaldemokratske partije za proširenje broja članova Općinske izborne Komisije Kalesija (u daljem tekstu OIK) sa sadašnja 3 (tri) na 5 (pet) članova.

### II

Od Izborne Komisije Bosne i Hercegovine se traži saglasnost za proširenje broja članova OIK Kalesija sa sadašnja 3 (tri) na 5 (pet) članova.

### III

Ukoliko Izborna Komisija Bosne i Hercegovine da saglasnost iz tačke II ovog Zaključka, Općinsko vijeće Kalesija će pristupiti proceduri dopune članstva u OIK Kalesija.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05-37  
Datum 05.01.2005.godina

PREDSJEDAVAJUĆI  
OPĆINSKOG VIJEĆA

Hata Mujčinović, dipl.ing.tehn.s.r

## OPĆINSKI NAČELNIK

**101** Na osnovu člana 7. tačka 3. Uredbe o jedinstvenoj metodologiji za procjenu šteta od prirodnih i drugih nesreća («Službene novine Federacije BiH», broj 75/04.) i člana 56. Statuta Općine Kalesija («Službeni glasnik Općine Kalesija» broj 7/03.) Općinski načelnik dana 05.12.2005.godine d o n o s i

### O D L U K U

o obrazovanju Općinske komisije za procjenu šteta od

prirodnih i drugih nesreća

#### Član 1.

U Općinsku komisiju za procjenu šteta od prirodnih i drugih nesreća imenuju se:

1. Hamzić Fadil, dipl.ing. poljoprivrede, za predsjednika,
2. Bečić Amira, inženjer građevine, za člana,
3. Halilčević Fahrudin, dipl.ing. mašinstva, za člana,
4. Zulić Zarka, dipl.ing.geologije, za člana,
5. Karić Ismet, dipl.ecc za člana.

Komisija se imenuje na mandat od četiri godine.

#### Član 2.

Zadaci Općinske komisije su slijedeći:

1. Obrazuje potreban broj stručnih komisija za procjenu šteta (u daljem tekstu:

stručna komisija) i svakoj toj komisiji određuje područje na kojem će vršiti procjenu šteta, a prema potrebi, naročito kada se radi o manjim štetama i sama neposredno vrši poslove procjene štete,

2. određuje rok do kojeg se mora završiti procjena šteta,

3. brine se o pravilnoj primjeni Uredbe,

4. objedinjava rad svih stručnih komisija na području Općine i tim komisijama pruža potrebnu stručnu pomoć,

5. izrađuje zbirni izvještaj o procijenjenim štetama na području Općine i isti dostavlja prvo Općinskom štabu civilne zaštite radi upoznavanja i davanja mišljenja a potom Općinskom načelniku na razmatranje,

6. izvještaj usvojen od strane Općinskog vijeća dostavlja Federalnom zavodu u roku od 15 dana od dana usvajanja, a jedan primjerak izvještaja dostavlja Kantonalnoj komisiji,

7. prati korištenje sredstava koja su dodijeljena za saniranje i otklanjanje posljedica koje su nastale od prirodne ili druge nesreće i o tome izvještava Općinskog načelnika.

#### Član 3.

Za rad komisije odgovarajuća materijalno-tehnička sredstva će obezbjeđivati Služba za poduzetništvo i budžet, a stručne, administrativne i druge poslove Služba civilne zaštite. Mala sala Općinskog vijeća se određuje kao prostor gdje će komisija obavljati administrativne i druge poslove nakon prikupljanja podataka o procjeni šteta.

#### Član 4.

Općinska i stručne komisije poslove iz svoje nadležnosti vrše u punom sastavu i o svom radu vode zapisnik koji moraju potpisati svi članovi komisije.

#### Član 5.

Članovima Općinske komisije za procjenu šteta i članovima stručnih komisija za rad u komisijama pripada naknada u skladu sa Odlukom Općinskog načelnika o plaćanju rada u komisijama.

Ova naknada pripada samo za vrijeme kada komisije vrše poslove iz svoje nadležnosti.

## Član 6.

Ova Odluka stupa na snagu danom objavljivanja u «Službenom glasniku općine Kalesija».

## Član 7.

Stupanjem na snagu ove Odluke, prestaje da važi Odluka o obrazovanju Općinske komisije za procjenu šteta od prirodnih i drugih nesreća i Odluka o izmjenama i dopunama Odluke o obrazovanju Općinske komisije za procjenu šteta od prirodnih i drugih nesreća («Sl. glasnik općine Kalesija» br. 4/05).

Bosna i Hercegovina  
Federacija Bosne i Hercegovine  
Tuzlanski kanton  
OPĆINA KALESIJA  
OPĆINSKI NAČELNIK  
Broj: 02-44-3562/05  
Datum: 05.12.2005.godine

OPĆINSKI NAČELNIK

Rasim Omerović s.r

---